

INUIT ATAQATIGIIT

Inatsisartuni



Ulloq 16. august 2022

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Oqaatsinut politikki pillugu Inatsisartut inatsisaat nr. 7, 19. maj 2010-meersoq, § 6 imm.1 tunngavigalugu, naalakkersuisut pisussaapput inatsip malinneqarnera nakkutigissallugu. Qanoq/periutsist suut atorlugit nakkutilliineq ingerlanneqartarpa?**
- 2. Ataatsimut isigalugu inatsimmilu siunerntarinqartoq eqqarsaatigalugu misilittagarilikkat suut ilisimalikkallu suut nakkutilliisarnikkut paasisimaneqarlerpat?**
- 3. Ilisimalikkat taakku naalakkersuisut qanoq nalilerpaat? Naammaginarpat?**
- 4. Kalaallisut oqaatsitta nukittorsarnissaannut suliniutissat nutaat qanoq ittut Naalakkersuisut pilersaarutigaa?**

(Inatsisartunut ilaasortaq Asii Chemnitz Narup, Inuit Ataqatigiit)

Tunngavilersuut:

Ukiut 12 qaangiusimalerput Oqaatsinut politikki pillugu Inatsisartut inatsisaat nr. 7, 19. Maj 2010-meersoq akuerineqarlunilu atortuulersinneqarmalli. Inatsip pingaaruteqaqaaq, kalaallisut oqaatsivut oqaatsitut tamakkkiisutut inuiaqatigiinnilu atugaasutut inissinneqarmata. Taamatuttaaq inatsisip ilusiligaanerani / oqaasertaligaanerani pingaartinneqarpoq oqaatsitigut akuunerulersitsinissaq.

Inatsimmi siunerntarinqartut pingaaruteqarlutillu ersarippput. Suliffeqarfinnili oqartussanilu Inatssisip ulluinnarni qanoq annertutigisumik malinneqarnera qanorlu timitalerneqarnera takujuminaassinnaavoq.

Naalakkersuisut nakkutilliinermikkut ilisimalikkat tamanut ammasumik saqqummiunnerisigut inatsimmik malinninnerup qanoq isikkoqarnerseq paasisutissiisututigisinnaalissavaat.

Inatsip qanoq iluatsissimaneranik naliliinissamut misilittakkat katersornissaat pingaartuusoraara allannguuteqartoqartariaqarneranik paasinarsisissamassuk.

Kalaallisut oqaatsitta nukittorsarnissaannut naalakkersuisut suliniutigilersaagaat tusarfigissallugu qilanaaraara.

Kissaatigaara apeqquqit ullut qulit qaangiutsinnagit akineqarnissaat.